

## Jläserne Minsche

Text: Robert Pütz Musik: Jürgen Fritz

Se wesse wat m'r wünsche  
Wat m'r denke suwiesu  
Jläserne Minsche  
Lück wie ich un du

Se klaue uns private Date  
M'r weede transparent  
Se trecke uns noch us  
Bis op et letzte Hemp

Nix es mih privat  
Et weed alles registriert  
Wat en unserem Lääve  
Un üvverhaup passiert

Mir looßen uns nit bespingkse  
Nit op die fiese Aat  
Denn mir sin freie Minsche  
Mir han et jän privat  
Mir looßen uns nit bespingkse  
Vun morjens fröh bis spät  
Weil uns dat janz jewältich  
Op d'r Senkel jeit

Bezahl's du met d'r Creditkaat  
Bes de em System  
Se rejistriere wat du käufs  
Wann wie vell vun wemm

Om Fluchplatz han se Bodyscan  
Dä trick dich nackisch us  
Ob du en Bomb em Föttche häs  
Dat fingen die erus

Nix es mih privat  
Et weed alles registriert  
Wat en unserem Lääve  
Un üvverhaup passiert

Mir looßen uns nit bespingkse  
Nit op die fiese Aat  
Denn mir sin freie Minsche  
Mir han et jän privat  
Mir looßen uns nit bespingkse  
Vun morjens fröh bis spät  
Weil uns dat janz jewältich  
Op d'r Senkel jeit

SOLO

Bei Google häs de Street View  
Do sühs de dich em Internet  
Wat immer du och mäs un deis  
Do nötz dir kei Versteck

Mir looßen uns nit bespingkse  
Nit op die fiese Aat  
Denn mir sin freie Minsche  
Mir han et jän privat  
Mir looßen uns nit bespingkse

Vun morjens fröh bis spät  
Weil uns dat janz jewältich  
Op d'r Senkel jeit